



xx. oktober 2009

Inatsisartut suleriaasiani § 36 imm. 1 naapertorlugu matumuuna ataani allaqqasoq apeqquaq Naalakkersuisunut saqqummiuppara:

Naalakkersuisunut apeqquq, meeqqat atuarfiani atuartut ukiut tallimat kingulliit ingerlanerini atuarunnaarsimasut qanoq pineqartarnerat pillugu.

(Inatsisartuni ilaasortaq Niels Thomsen, Demokraterne)

Tunngavilersuut:

Partiit tamarmik isumaqatigiissutigaa, inuusuttatta ilinniarnissaat sulissutigissagipput. Tamanna tunngavigalugu pingaarpoq, silarsuarmi piviusumi pissutsit piviusut qanoq innerat aalajangiisartutut ilisimassallugu. Taamaattumik pisariaqarpoq kisitsisitigut takussutissaqartissallugu, meeqqat atuarfiani atuartut atuarunnaartartut ilumut qanoq pineqartarnerat. Ataani allassimasut apeqqutikka ilinniartitaanermut pilersaarummi anguniagassatut aalajangersarneqarsimasunut aamma atassuteqarpoq, anguniagaammat siunissami sulisartuusartussat pingasuungaangata marluk ilinniarsimasuusassat.

Naalakkersuisut taamaattumik imatut aperiniarpakka:

1. Takussutissaqartikkusuppara meeqqat atuarfiani aasakkut atuarunnaartartut 2005-mi, 2006-mi, 2007-mi, 2008-mi aamma 2009-mi atuarunnaartussat suniarlutik aalajangersimanersut. Eqqarsaatigaara qassit GU-mi, Piareersarfimmi il.il. aallartissimanersut.
2. Atuartut taasama meeqqat atuarfianni atuarunnaarnermik kingorna ilinniagaq aalalrtitartik naammassisimavaat ?
3. Naalakkersuisut allanik nalunaarutissaqarpat, paasissutissiisinnaasunik meeqqat atuarfianni naammassillutik atuarunnaartartut sumut qanorlu ilinniaqqittarnerannut ?

Akissutit takussutissartalersorneqarsinnaapput.

Naalakkersuisut akeqquneqarput ullut nalignnaasumik sulliviit qulit qaangiutsinnagit.